

Ngwuja'ri ngwanni ngwullu je Bulij Bilimün Äni kitabanu

Doo'ra dükäjäär dani Bulij diju korkon anni üllijing dimaada düngün dani Bilimün ngwuja'ri ngwee. Gur gani Bilimün ginänü. Ngwu'dun ngwüngün ngwati gu ngwükirijin o'rajidalu. Dinäd didi Bilimün dabru dorta düngün dani Bilimün. Gaji ganni giju ge Bulij korkon aar mbudi Onejemo gwe gwanni gwuma ru doo'ra didi Yicu.

A Bulij gwä'rä Onejemong gidoorta düngün ngwuja'ri ngwe ngwükäcüng je Bilimünning ndi aar o'rajidi Onejemo gwe ngwämni ngwügwä'ri nono diwengga ndi Kirictu.

Yajang yidi ngwuja'ri

1. Aganni Bilimünning (1.1–3)
2. Bulij gwuca Ngwaalinga yäy 'tu gwani Bilimün (1.4–7)
3. Bulij gwondaca Bilimünning ngwämni Onejemong ngwügwä'ri (1.8–22)
4. Aganni gwudi m'rä na otaci Ngwaalingalu (1.23–25)

*Ngwuja'ri ngwanni ngwüllijä je Bulij
Bilimünning*

¹ Äny gwuru gwani Bulij gwanni nggwo giyirna gwani ondaci ngwüjü ngwuja'ri ngwani Yicu Kirictu. Diweengga dege dani Timijawuj daganna je.

Ngwuja'ri ngwee ngwükäcī nje dimaada dani Bilimün dannī diru nyi de gimaad ndi apajidi yiiru yidi Yicu Kirictu. ² Nyi aganni diwengga dege dani Apibiya na diweengga dani Arikibiyuj gwanni gwati nyii le ape yiiru yidi Yicu Kirictu yongra na nyi aganni gi'donga gidi Ngwaalu ganni gati acajidi ngwu'dun ngwunga.

³ Ara je gu yīmī'rū na adatalu ji gwudi Ngwaalu ngwanni ngwuru Papa gwege na Deleny dani Yicu Kirictu!

Bulij gwati ci Ngwaalinga yäy 'tu gwani ämnī gwudi Bilimün

⁴ Äny gwati ci Ngwaalinga yäy 'tu giyomon 'dar gwani nga minje otacalu. ⁵ Anaku ati nyi gu 'dingini ngwüjī yīkīrījīin ye yunga Gideleny dani Yicu na ämnī gwe gwunga ngwüjū ku ngwudi Ngwaalu. ⁶ Nyi be ari, a acajidi gwudi ämnī gwunga ngwüjīngä le ngwudi Ngwaalu ru 'didanu nunnu nga äti bebereng 'dar giyi'ral yanni yijaw nda je ärrī ngwürīny ngwe ngwudi Yicu Kirictu. ⁷ Äny gwujayanu gwulleny nyi ojeme nono gwani mengga ämnī gwe gwunga ngwüjū ngwudi Ngwaalu. Anaku ma gu gäbīcī yigor yegen yima amanu.

Bulij gwondaca Bilimünīng Onejemo gwe

⁸ A be no, gwani mengga, ndi Kirictu nggwaadi 'ranu, ndi ang girnya dulu de nyi ärrījī yi'ral giyee. ⁹ A be anaku äti nda gu ämnīng Ngwaalu a ngwengga Ngwaalu, nyi be ari nunnu nggwadi ang päcälū aa'ti nunnu madinani gwüny 'dogo, a be 'to anaku jiny gu giyirna yani ondaci gwe güny ngwüjū ngwuja'ri Gideleny dani Yicu

Kirictu. ¹⁰ Äny gwüpängälü gwani diweengga dani Onejemo gwanni gwuma ru nono giji güny, äny gwuma ru nono papa gwüngün anni jiny giyirna. ¹¹ Nginde gwele gwerre gwa'ti ämbädi* 'dunggunga, a be gweneno, gwuma be amba 'dengge.

¹² Äny gwuminyi gwä'rä aar ang o'raca gwani nono ma ang ü'ricä ligor lüny. ¹³ Gwunaniny aadi aar nyi jicalu gito gito nunnu ngwuji ngwaalu ngwunga ati aar nyi äpiji yiiru anaku jiny gu giyirna gwani ondaci ngwüjü nguwa'ri ngwanni ngwujaw ngwudi Yicu. ¹⁴ Nyi 'ti be jädi ndi ärrü yi'ral yere ya'ti ye ligor lunga aru nunnu yere yanni yijaw ya je ärrü na je ärrü ligor lunga aa'ti ya aar je linyaci yiima ye. ¹⁵ Ya gu mine ru ndi ari nginde gwugatananga giyomon giyee cong, nunnu aar ang o'raca gwur'tal. ¹⁶ Nginde gwa'ti ba be rüdi nono dinäd 'dunggunga 'dogo, nginde gwupana gidinäd. Nginde gwuma ru diweengga danni dämnr. Ndi ari nginde gwuma ru dikirijin Ngwaalu. Gwämniny gwulleny a be gwa ang ämnäni gwulleny 'dunggüny nono dinädä dunga a dikirijin Gideleny dani Yicu.

Bulij gwubupa Bilimüning ngwüdädäniji Onejemong

¹⁷ A no, manari nga gwatiny engga nono dimada ndi apajidi yiiru yidi Kirictu, mäti Onejemong nono aadi nyi gu määtä. ¹⁸ A be manari nginde gwärrijängä yi'ral yere yiki, yaa gwüminädängä dämjä nono dere, gäbicä

* **1:11** 1.11 Ngwüriny ngwani Onejemo ngwani "amba."

giligo'ro lüny. ¹⁹ Äny gwani Bulij äny gwullu ngwuja'ri ngwee guy ge güny äny gwa ang 'tüci. Äny gwa'ti jädi ndi ang ci äny gwüminädängä dämjä nono dani ligo'ro lunga ndi ari äny gwuru gwurujanga dikirijin Ngwaalu guy ge güny. ²⁰ Yäy gwani mengga gäbiciny nyi mbuji jaying ngwäy 'dunggunga Gideleny, gäbicä ligor lüny ngwamanu ndi ari nga gwuru dikirijin ndi Kirictu. ²¹ Äny gwülingidi ndi ari ngwuja'ri ngwee ngwuca je ngwe ngwa ji ngwa je ämni 'di nga gwä'tüdanälü ngwa je ärrü ngwanni ngwonyadana. ²² Nga be ci 'to, gi'tijiny ngwu'duna mama ngwanni ngwadi nyi gu ila nyi gu üllälü ma Ngwaalu ämnä otacing gwalu ndi ari aar nyi igitija gay nyi ila 'danggalu.

Aganni gwudi mi'ra

²³ Diweengga dani Ababraj danni diju nyi de giyirna gwani ondaci ngwüjü ngwuja'ri ngwudi Yicu, dagana je ²⁴ na ngwoo'ra ngwuru gimaad güny gwani Murkuj na Arictakuj na Dimaj na Luka, laganna je 'to. ²⁵ Ara je gu yimi'rü ji 'dar yidi Deleny dani Yicu Kirictu.

Laro Bible (Bible)
Laro NT

copyright © 2020 Wycliffe Bible Translators, Inc.

Language: (Laro)

Contributor: ECS Diocese of Khartoum Translation Department

This text box needs to have content for PT9 to upload is to the DBL.
All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

80c639f7-4569-5ffa-a77d-5df4c223631f